

nem accidens reale dici solis imaginem posse. Actu enim existit; non aliteratque cœlum, ignis, terra, actu sunt: atque hoc ipso à futuris, diei crastini, aut alterius, distinguuntur. Tertio autem modo, de quo hic imprimis lis est, negamus, Ens aliquod reale Parelium esse. Hoc enim sensu reale illud dicitur, quod non egreditur ex subjecto, neque extra subjectum suum persistit. Hujusmodi Ens reale calor est, qui ex igne nunquam egreditur, sed unicunque calor, ibi etiam ignis existit. Ita vero minime se res cum Parelio habet, qui in subjecto suo non manet, sed longè latèque diffunditur, atque aerem, aliaque lucida corpora permeat. Accidens igitur non reale, sed intentionale Parelius est.

§. 10. Finis denique Parelii est vel *Generalis*, gloria DEI: propter laudem enim nominis divini omnia fiunt; omnia à DEO; omnia ad DEUM: vel *Specialis*, isque varius (1) *Pluviae Prædictio*. Cùm enim subjecti loco nubes requirantur densiores, tunc plerumque solet, ut crassiores istæ nubes in pluvias postmodum resolvantur. Hinc in Lusitania quondam cùm tres conspecti Soles fuissent, paucis diebus transactis, cùm magna præcessisset siccitas, per integrum ferè mensem assiduos fuisse imbres, multi observarunt. Imprimis autem pluvias annunciare, si à parte Austris, ubi præsertim nubes ingravescunt, constiterint, autor est Seneca, Lib. I. N. Q. c. 3. & Aristoteles, qui ab eâ parte humoris pleniores ac fœcundiores nubes esse pronunciat. (2.) *Ventorum significatio*. Hi enim pluviam seu individui assiduique comites ex frequenti aeris collisione nati ferè semper sequuntur: unde *Extemporaneorum* nomen apud Kircherum Mund. Subt. Lib. q. Sect. 2.c. i. nanciscuntur; formidinemque ideo maximam navigantibus incutiunt Parelii, dum non nisi certò orituræ tempestatis marinæ periculum ex Parelio, jamdudum experientia confirmati, metuendum didicerunt.

§. 11. Sed præter hosce duos fines proprios, nonnulli regnum Supernaturalem addunt: quo futurarum in Ecclesia Politiæque mutationum indicio Parelium esse credunt. Has enim rationes adferunt. Dicunt, Divinæ Providentiaz executionem ut plurimum mediabitibus causis secundis fieri; id est, quandounque insoliti